



# Caderno da crítica

## Cuestionario Proust: Henrique Dacosta

[Ramón Nicolás](#) 23 Maio 2014

**1.– Principal trazo do seu carácter?**

-Pesimismo. Pertinacia tamén, naquilo que me implico de motu proprio, ou porque mo piden.

**2.– Que calidade aprecia máis nas persoas?**

-A afabilidade e a prudencia, e seren agradecidas, se o caso o require.

**3.– Que agarda das súas amizades?**

-Lealdade e franqueza.

**4.– A súa principal eiva?**

-Ser despistado e algo rosmón.

**5.– A súa ocupación favorita?**

-Viaxar e escribir.

**6.– O seu ideal de felicidade?**

-Vivir sen ter que traballar (no traballo convencional) e dedicar o tempo a esoutras actividades máis edificantes como a escrita.

**7.– Cal sería a súa maior desgraza?**

-A morte dun ser moi querido. Ficar incapacitado de maneira que tivese que depender doutros.

**8.– Que lle gustaría ser?**

-Recoñecido polo que fago.

**9.– En que país desexaría vivir?**

-Australia talvez.

**10.– A súa cor favorita?**

-Azul.

**11. – A flor que máis lle gusta?**

-Rosa talvez.

**12.– O paxaro que prefire?**

-O xirín se cadra, ou o chasco, non sei ben.

**13.– A súa devoción na prosa?**

-Eça de Queirós, Alejo Carpentier, Vargas Llosa, Ivo Andrić...

**14.– E na poesía?**

-Rosalía, Pessoa, Machado...

**15.– Un libro?**

–*El siglo de las luces*, *A ponte sobre o Drina*, *Conversación en La Catedral*, *O crime do Padre Amado*...

**16.– Un heroe de ficción?**

-Astérix/Obélix, Leo Caldas, Mario Conde (de Leonardo Padura)...

**17.– Unha heroína?**

-Xerezade, a Mai da familia protagonista de *As uvas da ira*, Isabel de Barreto (heroína tamén na

vida real), a rapaza ou moza que dá inicio e remate aos *Cantares gallegos*...

**18.– A súa música favorita?**

-O jazz: Oscar Peterson, Stéphane Grappelli... O pop/rock: REM, U2, Police/Sting... Músicas do mundo e cantautores: José Afonso, Luis Pastor...

**19.– Na pintura?**

– A pintura flamenga en xeral, Velázquez, Caravaggio, o impresionismo...

**20.– Un heroe ou heroína na vida real?**

-José Saramago, José Luis Sampedro, José Afonso... Hipatia, Rosalía, Concepción Arenal, Hildegart...

**21.– O seu nome favorito?**

-Catarina.

**22.– Que hábito alleo non soporta?**

-O incivismo e a má educación, endémicos na nosa sociedade actual.

**23.– O que máis odia?**

-A mediocridade con pretensións do contrario, e a falsidade.

**24.– A figura histórica que máis despreza?**

-Hitler, Stalin, Franco...

**25.– Un feito militar que admire?**

-A Revolución dos Cravos.

**26.– Que don natural lle gustaría ter?**

-Don de xentes.

**27. – De que maneira lle gustaría morrer?**

-Mentres durmo, sen enteirarme.

**28.– Cal é o seu estado de ánimo máis habitual?**

-A saudade e a introspección.

**29.– Que defectos lle inspiran máis indulxencia?**

-A ignorancia, porque é moi atrevida (ou porque é o último que se perde, sendo máis mordaces).

**30.– Un lema na súa vida?**

-O que non é agradecido non é ben nacido.